

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), člana 43. stav (9), a u vezi sa članom 59. stav (2) i stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) i Programa utroška namjenskih sredstava iz oblasti šumarstva za 2025. godinu - Izvor 30, broj: 02-11-8634/25 od 25.04.2025. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 110. sjednici, održanoj 26.12.2025. godine, d o n o s i

O D L U K U

o odobravanju sredstava za sufinansiranje projekta iz oblasti šumarstva

Član 1.

(Predmet)

Odobravaju se sredstva u iznosu od 200.000,00 KM (slovima: dvijestotinehiljada i 00/100 konvertibilnih maraka) Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići, za sufinansiranje nabavke bagera gusjeničara sa hidraulički upravljanim dozerskim nožem, mase 14-16 t, a radi izgradnje i održavanja protivpožarnih puteva i ostalih šumskih komunikacija.

Član 2.

(Analitička konta)

Odobrena sredstva iz člana 1. ove odluke isplatit će se Javnom preduzeću „Šumsko-privrednom društvu Zeničko-dobojskog kantona“ d.o.o. Zavidovići iz Budžeta Zeničko-dobojskog kantona za 2025. godinu, iz namjenskih sredstava planiranih na razdjelu 23, budžetska organizacija 03, potrošačka jedinica 0001 - Ministarstvo za poljoprivredu, šumarstvo i vodoprivredu – Kantonalna uprava za šumarstvo, ekonomski kod 615100, pozicija „Kapitalni transferi drugim nivoima vlasti iz oblasti šumarstva“.

Član 3.

(Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu - Kantonalna uprava za šumarstvo i Ministarstvo finansija, svako u okviru svoje nadležnosti.

Član 4.

(Izveštavanje)

(1) Obavezuju se korisnik sredstava iz člana 1. ove odluke da Ministarstvu za poljoprivredu, šumarstvo i vodoprivredu-Kantonalnoj upravi za šumarstvo podnese izvještaj o namjenskom utrošku odobrenih sredstava (narativni i finansijski izvještaj) do 31.05.2026. godine.

(2) U slučaju da korisnik sredstava iz člana 1. ove odluke ne dostavi izvještaj o namjenskom utrošku sredstava (narativni i finansijski izvještaj) neće imati pravo aplicirati za dodjelu sredstava u narednoj fiskalnoj godini.

(3) U slučaju da korisnik sredstava iz člana 1. ove odluke nenamjenski utroši sredstava, obavezuje se korisnik sredstava da izvrši povrat sredstava na račun Zeničko-dobojskog kantona.

Član 5.
(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-23006/25

Datum, 26.12.2025. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Kantonalna uprava za šumarstvo,

1x Ministarstvo finansija,

1x JP „Šumsko-privredno društvo Zeničko-dobojskog kantona“ d.o.o. Zavidovići,
putem Ministarstva,

1x „Službene novine Zeničko-dobojskog kantona“,

1x a/a.